

Diwygio Rheolau Sefydlog

Newidiadau amrywiol

Mawrth 2021

Yn unol â Rheol Sefydlog 11.7(iv), y Pwyllgor Busnes sy'n gyfrifol am wneud argymhellion ar weithdrefnau ac arferion cyffredinol y Senedd, gan gynnwys unrhyw gynigion ar gyfer ail-wneud y Rheolau Sefydlog neu eu diwygio.

Mae'r adroddiad hwn yn argymhell newidiadau amrywiol i Reolau Sefydlog 1, 11 ac 20.

Gwahoddir y Senedd i gymeradwyo'r cynigion i ddiwygio'r Rheolau Sefydlog fel yn Atodiad A. Mae'r Rheolau Sefydlog diwygiedig, os cânt eu cymeradwyo, yn Atodiad B.



Cynnwys

1. Ystyriaeth y Pwyllgor Busnes.....	3
2. Penderfyniad	3
Atodiad A - Newidiadau arfaethedig i Reolau Sefydlog 1, 11 ac 20, a nodiadau esboniadol.....	4
Atodiad B - Rheolau Sefydlog 1, 11 ac 20, fel y'i diwygiwyd	6

1. Ystyriaeth y Pwyllgor Busnes

1. Yn ei gyfarfod ar 22 Chwefror 2021, trafododd y Pwyllgor Busnes newidiadau amrywiol i'r Rheolau Sefydlog a nodwyd fel rhan o'r adolygiad presennol. Mae'r newidiadau'n cywiro gwallau a hepgoriadau, yn gwneud pethau'n gliriach, ac yn dileu darpariaethau diangen. Mae esboniad i gyd-fynd â phob newid arfaethedig yn Atodiad A.

2. Penderfyniad

2. Cytunodd y Pwyllgor Busnes yn ffurfiol ar y newidiadau i'r Rheolau Sefydlog ar 9 Mawrth 2021. Gwahoddir y Senedd i gymeradwyo'r Rheolau Sefydlog newydd arfaethedig yn Atodiad B.

Atodiad A – Newidiadau arfaethedig i Reolau Sefydlog 1, 11 ac 20, a nodiadau esboniadol

Rheol Sefydlog gyfredol a newid arfaethedig	Cynnig ac esboniad
<p>1.7 — Ar gynnig a wneir gan y Comisiwn, rhaid i'r Senedd ethol Ymddiriedolwyr i Cynllun Pensiwn Aelodau y Senedd yn unol â Rheolau'r Cynllun.</p>	<p>Dileu darpariaeth ddiangen sy'n ymwneud â Chynllun Pensiwn Aelodau y Senedd</p> <p>Mae'r Rheol Sefydlog hon wedi bod yn ddiangen ers 2011, pan drosglwyddwyd y cyfrifoldeb am benodi Ymddiriedolwyr y Cynllun Pensiwn i'r Bwrdd Taliadau.</p>
<p>1.9 At ddibenion adrannau <u>10 ac 11</u> o'r Ddeddf, mae swydd yn wag pan fydd y Llywydd yn cael hysbysiad o ymddiswyddiad yn unol â Rheol Sefydlog 1.8, neu fel arall pan fydd y Llywydd yn datgan bod y sedd wedi dod yn wag.</p>	<p>Ei gwneud yn glir bod datganiad ynghylch swydd wag, pan fydd Aelod o'r Senedd yn ymddiswyddo o'i sedd, yn cynnwys seddi etholaeth a rhanbarthol</p> <p>Dim ond i swyddi gwag etholaeth y mae adran 10 o Ddeddf Llywodraeth Cymru yn berthnasol; adran 11 sy'n ymdrin â swyddi gwag rhanbarthol. Dim ond at adran 10 o'r Ddeddf y mae Rheol Sefydlog 1.9 yn cyfeirio. Mae'r ddarpariaeth wedi cael ei defnyddio wrth ddatgan swyddi gwag rhanbarthol ond dylid ychwanegu cyfeiriad at adran 11 o'r Ddeddf er cysondeb.</p>
<p>11.2 Nid yw Rheolau Sefydlog 17.3<u>2A</u> i 17.6 yn gymwys i'r Pwyllgor Busnes.</p>	<p>Dileu'r cyfeiriad at Gadeirydd y Pwyllgor Busnes o'r ddarpariaeth sy'n ymwneud ag ethol cadeiryddion pwyllgorau</p>

	<p>Mae Rheol Sefydlog 11.5(i) yn darparu bod y Pwyllgor Busnes yn cael ei gadeirio gan y Llywydd. Mae Rheolau Sefydlog 17.2A-T, a gyflwynwyd yn 2016, yn darparu ar gyfer ethol cadeiryddion pwyllgorau, ond nid ydynt yn eithrio cadeirydd y Pwyllgor Busnes yn benodol. Mae angen diweddarau Rheol Sefydlog 11.2 sy'n nodi'r Rheolau Sefydlog hynny (17.3 i 17.6) nad ydynt yn gymwys i'r Pwyllgor Busnes i gynnwys cyfeiriad at Reolau Sefydlog 17.2A-T.</p>
<p>20.26 Rhaid i gynnig cyllideb blynyddol ymgorffori:</p> <ul style="list-style-type: none"> (i) cyllideb derfynol y llywodraeth; (ii) cyllideb derfynol y Comisiwn fel y cytunwyd arni gan y Senedd o dan Reol Sefydlog 20.16 neu 20.17, neu fel y'i pennwyd o dan Reol Sefydlog 20.19; (iii) amcangyfrif Swyddfa Archwilio Cymru, fel y'i gosodwyd gerbron y Senedd o dan Reol Sefydlog 20.22; (iv) amcangyfrif yr Ombwdsmon, fel y'i gosodwyd gerbron y Senedd o dan Reol Sefydlog 20.24; ac (v) amcangyfrif y Comisiwn Etholiadol, fel y'i gosodwyd gerbron y Senedd o dan Reol Sefydlog 20.20B 18B. 	<p>Cywiro'r cyfeiriad yn y Rheol Sefydlog at osod amcangyfrif y Comisiwn Etholiadol</p> <p>Nodir y weithdrefn ar gyfer gosod amcangyfrif y Comisiwn Etholiadol yn Rheol Sefydlog 20.20B, nid Rheol Sefydlog 18B.</p>

Atodiad B – Rheolau Sefydlog 1, 11 ac 20, fel y'i diwygiwyd

Rheol Sefydlog 1 – Aelodau

Tâl Cydnabyddiaeth

1.7 *[Dilëwyd y Rheol Sefydlog drwy benderfyniad yn y Cyfarfod Llawn ar 24 Mawrth 2021]*

Ymddiswyddiadau a Swyddi Gwag

1.9 At ddibenion adrannau 10 ac 11 o'r Ddeddf, mae swydd yn wag pan fydd y Llywydd yn cael hysbysiad o ymddiswyddiad yn unol â Rheol Sefydlog 1.8, neu fel arall pan fydd y Llywydd yn datgan bod y sedd wedi dod yn wag.

Rheol Sefydlog 11 – Trefn Busnes

Y Pwyllgor Busnes

11.2 Nid yw Rheolau Sefydlog 17.2A i 17.6 yn gymwys i'r Pwyllgor Busnes.

Rheol Sefydlog 20 - Gweithdrefnau Cyllid

Cynigion Cyllideb Blynyddol

20.26 Rhaid i gynnis cyllideb blynyddol ymgorffori:

- (i) cyllideb derfynol y llywodraeth;
- (ii) cyllideb derfynol y Comisiwn fel y cytunwyd arni gan y Senedd o dan Reol Sefydlog 20.16 neu 20.17, neu fel y'i pennwyd o dan Reol Sefydlog 20.19;
- (iii) amcangyfrif Swyddfa Archwilio Cymru, fel y'i gosodwyd gerbron y Senedd o dan Reol Sefydlog 20.22;
- (iv) amcangyfrif yr Ombwdsmon, fel y'i gosodwyd gerbron y Senedd o dan Reol Sefydlog 20.24; ac
- (v) amcangyfrif y Comisiwn Etholiadol, fel y'i gosodwyd gerbron y Senedd o dan Reol Sefydlog 20.20B.